

同五年辛酉二月十六日庚辰左大臣以下參入有改元之事詔文云忝居握符之名未知馭俗之道况比年災異荐臻此歲辛酉革命之符已呈懷々乎如乘奔而無轡方今緬檢蠻篇遠尋鳥策上古帝王南面稱孤者畏警誠而建元或警咎徵而改號是則修德却禍與物更始之義也改其天德五年爲應和元年略○下

〔本朝文粹二〕改元詔

慶保胤

詔唐堯之馭民也敬雖授時而未號漢武之撫俗也初以建元而爲名自爾以來或遇休祥以開元或依災變以革曆朕以庸虛猥守神器慎日是幾多日計年唯十五年天之未忘屢呈妖恠而相誠德之是薄雖致兢惕而不消去年黍稷之遇炎旱矣民戶殆無天宮室之爲灰燼焉皇居唯有地欲修又作百姓之費將廢素非一人之居惻隱于懷寤寐難忍方今上玄之譴便如是中丹之謝欲奈何宜改正朔以易率土之聽施德政以解圜扉之冤其改天元六年爲永觀元年大赦天下今日昧爽以前大辟已下罪無輕重已發覺未發覺已結正未結正咸皆赦除之又一度竊盜計贓三端已下同始赦免但犯八虐故殺謀殺私鑄錢強竊二盜常赦所不免者不在赦限又老人及僧尼百歲以上給穀四斛九十以上三斛八十以上二斛七十已上一斛庶幾攘餘殃於未萌期弊俗於有截布告遐邇令知朕意主者施行

永觀元年四月十五日

〔言成卿記〕慶應元年四月七日改元定(中略改元治二年爲慶應元年)十三日去九日加名詔書寫宗廟玄蕃少允所望人々連名雜掌當廻達之由自廣幡被傳寫取梅溪江被傳達了

詔感禎祥而建元聖人常制依咎徵以改號王者恒規朕庸昧承運膺萬國之貢珍瑞應未呈值外夷之窺邊加以去年秋七月防長凶徒卒犯禁闕銃炮餘火忽灰輦下海內殆將扇動庶民不得安居朕之不德民其何辜方今顧思天下形勢如素卵之累殼似玄燕之巢幕戰々兢々不知所裁宜從先蹤以施新元蓋興物更始之義也其改元治二年爲慶應元年大赦天下今日昧爽以前大辟以下罪無